

淵雅堂全集

序五捷呂

淵雅集編

年詩藁既成接刊文集先生在華亭時所寫
雜文曰惕甫未定藁者十六卷其前後所著經說史論
以勘改未定別存草本不在十六卷之中至是先生意
欲併入故停工以待然先生往返真州又歲時歸省卒
卒未暇勘定爲時良久工不可待今先以十六卷者登
版印行其經說史論姑俟續出藁以未定爲名又篇各
爲斷其卷次先後固無例也嘉慶九年龍集甲子春三
月朔門下生甘泉汪榮光上元戴衍善儀徵汪際昌許
文聯金山姚前機嘉善蔡傳聲同里王文浩王承錫等

全校韻識

重編序

前此同門汪榮光戴衍善等所編先生古文十六卷者
歲有增刊逐漸積多卷次厚薄不均比者重加料理增
著目錄排次得二十六卷凡先生六十歲以前之作悉
在於是榮光等序內所欲增併之經說史論先生以少
作未易改削概命刪去不復存嗣此先生有作當爲續
集別自刊行嘉慶二十年歲在乙亥十二月華亭門人
欽善梅春沈慈等謹識

自序

芑孫於詩不甚措力所志焉而未逮者古文辭也當乾隆戊子己丑之間芑孫年十四五從先大父讀書松江守解時宛平鍾勵暇先生晚來就其子松守養與先大父居朝夕相講以古文之學先生自康熙雍正間未第時在京師多識前輩而尤親炙望溪方公傳其經說與所以爲文之法望溪集中所爲作序以送其寧親宿遷者也時先生年七十餘而先大父亦六十餘矣先生篋中多望溪遺書先大父輒從借觀手自寫度其批點意慨然曰快聞道之晚未嘗不以屬望於芑孫芑孫雖不

甚解然年小未接人事習聞其議論先入以爲之主出而觀於人其文無當意者每欲自作卽又不敢已而先大父補官宣城以歿芑孫爲諸生有名一奪於制舉之執再奪於詞章之好不克從事於古文然而馬班韓歐氏之書與夫諸子百家所以資爲古文之具則未嘗一日而去諸左右聞之旣久觀之旣熟因有以識其難而愈不敢遽作間有所作隨手棄去年二十餘里中彭允初汪大紳兩人者皆老於爲文一見驚絕互相稱歎會石君執如亦方有志於此力贊之勸以竟學旋爲北游忽忽二十年士大夫類以詩訶相取質莫言古文惟無

錫秦君小峴建昌魯君絜非閩縣龔君海峯偃師武君
虛谷謬以相推每見盤礴無晝夜不叅他語然諸君歷
官內外其仕或遂或不遂皆以餘力著書而芑孫獨饗
艱爲人傭力無能以有爲旋作旋棄猶之昔也旣補
咸安宮教習稍稍得自紓散四方求文者亦且日至嗣
此有作輒便錄存今所存十六卷三十後所作亾慮太
半也夫將承學治古文必且融會於羣經旁貫以小學
導源於身心性命之間究觀於上下天人之際本其所
不容已者發爲言而又裁之以

國家之掌故

卷之八
自序
二
朝廷之令典如是然後行之以馬班之法運之乎韓歐
之體無難易平險高下而一歸乎心之所安與夫義之
所止非是者不爲能而芑孫材地至薄旣根柢之弗植
又撓雜之多端志之三十年學之二十年而意中所欲
作之文則固猶未之出也所欲作者未之能出而應事
牽率之作所毀棄未盡者則已不勝其多芑孫區區所
繇媿憤汗出霑背而日夜無以自喻者今但目之曰未
定藁以志其願學之心未已焉爾嘉慶三年秋八月朔
後三日長洲王芑孫自序

惕甫未定藁目次

長洲王芭孫念豐

卷一

賦

木犀醬賦

有序

蕩湖船賦

有序

吹洞簫賦

山塘種花人賦

有序

叩頭蟲賦

有序

文瀾閣賦

種竹圖賦

卷二

序一

聖駕六巡江浙恭紀詩序

睿親王詩序

信恪郡王詩序

陳受之詩序

賜泉堂集序

翰林賦得詩鈔序

試帖詩課合存序

有正味齋試帖小序

芝音閣試帖小序

存素堂試帖小序

芳草堂試帖小序

知不足齋試帖小序

方雪齋試帖小序

桑寄生齋試帖小序

蛾術齋試帖小序

雙藤書屋試帖小序

蘄門遊草自序

制義自序

寫韻軒小藁序

弟聽夫閩遊草序

波餘遺藁序

淵雅堂應奉藁自序

詹麟飛獨繭詩鈔序

湖上稷遊詩序

論語通故自序

孟子通故自序

大學通故自序

中庸通故自序

卷三

序二

適園詩藁序

鮑氏宣忠堂支譜後序

菽芸館詩藁序

嶺西雜記序

二十一史言行錄序

槐廳載筆序

董芝林遺詩序

青虛山房集序

太平寰宇記補闕序

太清一統志表序

泮澣百金方序

重修族譜序

青芝山館詩集序

樂儀書院課藝序

雪杖山人詩序

王孟公詩序

紫雲山房詩鈔後序

汪子二錄序

泖東詩課序

卷四

序三

何蘭士遺詩序

嘉樹山房集序

鐵制府詩集序

盛百堂詩序

小謨觴館文集序

明李文正公年譜序

賞雨茅屋詩集序

鶴泉詩鈔序

汪西村詩序

莊蕤川十國宮詞序

聽雨齋詩集序

韋靜山文序

史恒齋試帖序

朱井南左國續補序

師華山房文集序

洞庭嚴氏族譜序

族弟芸巖詩序

陶山詩錄序

彭蘭臺遺詩序

儕嶠詩集序

卷五

序
四

送管平山南歸序

送董念橋之官廣東序

送秦小峴監司浙江序

送李介夫典試湖南序

壽王巡檢序代詹君應甲

伊光祿壽序

馮郎中壽序代法庶子

韓城先生七十壽序
王封君壽序

家直庵考功母太安人壽序

家虔齋七十壽序

申江挂席圖序

蜀之岡一首送胡茂甫

有序

卷六

記

顧氏四世墓田記

詩龕會飲記

紫雲山房雅集圖記

積水潭遊記

讀易樓記

城南雅遊寫像記

蓮花寺讀書圖記

官舫侍膳圖記

題襟館記

齊楚丙舍圖記

青芝山下卜鄰圖記

重修華亭縣學名宦祠記

重修文恪公祠堂記

太原九老圖記

楞伽山房記

寫韻軒記

樗園客隱圖記

卷七

記二

重建東萊呂成公祠記

虎邱三賢祠圖記

橫雲秋興圖記

靈鷲寺增置田屋記

虎邱金烈婦墓祠記

怡老園圖記

南園授受圖記

潘榕皋歸帆圖記

黃蕘圃陶陶室記

江寧甘氏友恭堂記

重修文恪公祠堂後記

洞庭王氏家祠記

泖東蓮社圖記

卷八

書

與彭允初書

答邱岡上舍書

答魯絜非書

答翁覃溪先生書

上畢秋帆先生書

與家蘭泉先生書

又與蘭泉先生一

又與蘭泉先生二

又與蘭泉先生三

與袁隨園先生書

再與隨園

與曾賓谷運使書

又與賓谷一

又與賓谷二

答金山訓導方君書

再與方君

與洪稚存書

與秦小峴書

答魯賓之書

示樂儀書院諸生書

書示樂儀諸生書後

與姚姬傳先生書

又第二書

答桐城汪均之書

與族人書

卷九

傳

繆舍人小傳

節母韓宜人傳代孫淵如作

壽先生傳

故明二楊將軍傳

華亭二布衣傳

節母葉安人傳

故知縣朱君繼妻蔡孺人家傳

古心翁小傳

倪節婦沈氏家傳

何元長傳

太學生李君家傳

馮節婦家傳

卹祀四川義勇楊君傳

張節母單孺人家傳

卷十

碑銘

吳縣學增置禮器之碑代縣令唐君

華亭縣海塘天后廟碑代縣令作

奉賢縣城隍神廟碑

闕里石刻禮記大學中庸之碑代

清故光祿大夫 經筵講官兵部尙書致仕彭

公神道碑

清故資政大夫予告光祿寺卿伊公神道碑銘

卷十一

墓表

誥授朝議大夫同知議敘加一級莊君墓表

贈朝議大夫國子監生王公墓表

贈中憲大夫晉贈武翼都尉郭君墓表代法庶

子作

湖廣蘄州衛守備贈武翼都尉郭君墓表代法

庶子作

欽節婦傅氏墓表

金節婦梅氏墓表

唐太宜人墓表

詹府君葬記

石湖楞伽山墓碣

卷十二

誌銘

一

嘉善縣學生袁君墓誌銘

恩貢生候選教諭俞君墓誌銘

內務府司庫廣公墓誌銘

封文林郎國子監生宋君墓誌銘

東城指揮曹君墓誌銘

布政使司經歷借補江西進賢縣丞王公墓誌銘

浙江鄞縣杖錫司巡檢王公墓誌銘

姚姬墓版文

候選同知沈君墓誌銘

山東汶上縣知縣蔣君配金安人墓誌銘

卷十三

誌銘

工部營繕司主事徐君墓誌銘

署湖北蘄州知州徐君墓誌銘

河南上北河同知顧君墓誌銘

山東陽信縣知縣王君墓誌銘

雲南按察使李君配兩康淑人墓誌銘

候選教諭朱君墓誌銘

張烈婦墓誌銘

甘肅嘉峪關巡檢王公墓誌銘

考職主簿史君墓誌銘

勅封修職郎附貢生史君墓誌銘

史孺人墓誌銘

貤封奉直大夫例晉奉政大夫國子監生沈君墓誌銘

河南布政使司經歷楊君墓誌銘

贈儒林郎刑部司務陶君墓誌銘

例授通奉大夫鹽運使銜加二級議敘加十級又加十級鮑君墓誌銘

卷十四

誌銘三

封朝議大夫附貢生陳府君墓誌銘

楊生母韓孺人壙誌

上南河同知王君配邱恭人墓誌銘

單紫迥墓誌銘

婁縣學生莊君墓誌銘

增貢生盛君墓誌銘

例贈文林郎殷君墓誌銘

署徽州府督糧通判候選同知沈君墓誌銘

附貢生沈君墓誌銘

王紹虞墳版文

候選府同知沈君繼室曹宜人墓誌銘

卷十五

狀

宛平鍾先生事狀

誥授朝議大夫累封中憲大夫掌山西道監察御史加三級鮑府君行狀

誥封朝議大夫累封中憲大夫翰林院檢討何公行狀

清故廣西道監察御史前江南儀真縣知縣歸

安陸公事狀

卷十六

事狀

太倉王烈女事略

清故建威將軍浙江提督總兵官總統浙閩水
師軍功加二級紀錄二次追封三等壯烈伯
世襲謚忠毅李公行狀

書事

書袁惕三軼事

書華亭縣學邵祭田事

卷十七

行實

皇清登仕郎晉階武德騎尉卹授雲騎尉世職湖北襄陽府襄陽縣呂堰驛巡檢加一級亡弟聽夫

行實

續書亡弟呂堰殉難事

卷十八

論

自誠明謂之性論

說

桂馨名說

名諸子說

江郎字說

轉般倉私說

卷十九

銘一

簪山草堂銘

有序

靜好樓銘

古鐵齋銘

有序

腕儿銘

有序

扇弓銘

有序

茶船銘

有序

印泥合子銘

有序

漿合銘

筆筒銘

象牙界尺銘

紫檀界尺銘三

石筆架銘

竹筆筒銘

箴

十箴有序

箴惰

箴傲

箴妄

箴雜

箴過求

箴無謂

箴欲

箴惡

箴怒

箴懼

銘二

石修撰獨學廬銘

有序

錢上舍寫經樓銘

有序

竹栢樓銘

有序

李墨莊舍人愛吾廬銘

沈茂才

恕

賞雨書堂銘

漚波舫銘

有序

硯銘

小澄泥硯銘

舊藏顧媪鐘硯銘

董君

辰

贈屈君

培基

硯爲作銘

自銘試硯

漢瓦硯銘

圓硯銘

瓦硯銘

舊藏荷葉硯銘

有序

董君

辰

見贈澄泥荷葉硯銘

詹君

應甲

見贈紫端石硯銘

畢君

大椿

見贈端硯銘

何君

遠昌

見贈端州眼石硯銘

歙石星宿海硯銘

有序

黃君

對揚

見贈舊銅瓜果暖硯銘

有序

同館汪君

桂

贈歙硯銘

同年朱君

鳴鳳

贈小端硯銘

程孝廉

組

贈歙硯銘

合璧硯銘

雙鳳硯銘

沅州石井田硯銘

兩面校書硯銘

方硯銘

淄川石硯銘

舊歙石金星銀絲硯銘

有序

小硯銘

合璧硯銘

行橐硯銘

天然硯銘

趙凡夫石函硯銘

夔龍硯銘

桃硯銘

銅瓜果暖硯銘

雜銘

屈長卿瓢印銘

烏絲界尺銘

又銘烏絲界尺

陳桂堂松化石銘

建窯印色盆銘

乾隆辛亥自編初集自春徂冬以次畢錄并山妻寫韻軒小藁作一囊以貯之而銘其背時

臘月廿有三日

龍竹杖銘

有序

卷二十

頌

陳太恭人懿德頌

有序

讚

宋文信公與吳架閣三劄讚

有序

治隱園三友圖讚

有序

沈立芳先生像讚

有序

沈實夫遺像讚

有序

陳文恭公與故副將白雲上手帖讚

有序

故處士盛青嶼遺像讚

有序

總督漕運鐵侍郎臨榆望海圖讚

有序

李墨莊像讚

有序

祝止堂侍御小像讚

賓谷像讚

法庶子詩龕嚮往圖讚

有序

劉寄庵荷鋤圖讚

有序

故姚觀察采菊圖讚

有序

董文敏小像讚

有序

朱荔裳先生像讚

有序

族祖再陸先生像讚

四十歲小像自讚

清溪草堂重臺桂圖讚有序

虎邱劒池枯桐讚有序

章光重秋林讀書圖讚有序

沈葑畦生母俞夫人讚有序

孫淵如萬卷歸喪圖讚有序

姚春木椿萬里圖讚有序

卷二十一

讚

陳忠裕公像讚

有序

明廣東布政使汪來虞先生像讚

并序

先七世祖承天府君早朝圖讚

有序

孫節愍遺墨讚

有序

李涪江畫石讚

蔣醉峰學正墨竹讚

趙太常遺像讚

有序

沈浴鯨遺像讚

有序

徐工部遺像讚

有序

程樸亭傳讚

有序

華亭學生張君遺像讚

有序

洞庭族人世澤圖讚五首

有序

王氏家譜後讚

有序

孤行一意圖自讚
明甘節愍公像讚

卷二十二

祭文

樂儀書院祀宋五子祝文

樂儀書院祀宋丞相文公元國信使郝公祝文

代遣官祭告亡弟文

祭蔣師輅文

祭彭尙書文

祭楊六士文

祭王芍陂先生文

祭馮太公文

代江南督撫祭福郡王文

代江南司道祭福郡王文

祭畢制府文代太守作

祭畢制府文代

祭明訓導邵公文

又祭明訓導邵公祝文

哀辭

葛生哀辭

顧秀才夫人哀辭

卷二十三

書後

讀標有梅書後

書鄂剛烈遺詩後

書曾賓谷所藏禹之鼎西溪圖

書文待詔石湖圖

書洪稚存寒檠永慕圖

書朱振翹遺迹

書王鑑溪詩藁

書樂蓮裳韓江櫂歌後

十一世祖靜樂公兄弟畫像書後

書漚波舫日課

書李翰林別集

書時文讀本後

書惜抱軒文集

書獨學廬初藁

讀小峴所作亡弟行狀書後

卷二十四

書後

書明臣年表後

書葛處士詩藁

書明李文正年譜後

書崇真宮道士祖德傳

書獨學廬二藁

書先大父厯試藁

書重印太平御覽

書彭允初蓼語後

書楊文叔古柏軒集

先文恪公古單方書後

卷二十五

題跋

合杏樓詩題辭

題李石桐少鶴昆季送家直庵鄉舉詩冊

跋覃溪先生所摹徐東癡王漁洋手蹟

跋明舉人祝淵臨難詩

題崇效寺看梅詩冊

題龔御雲山卷

題鮑封君棠樾村圖記

跋華亭縣學石刻急就章

題沈氏戲鴻堂帖

跋甄瑨銘

跋唐太宗晉祠銘

跋齊臨淮王碑

跋爭坐帖

跋羅端良鄂州小集

跋惲南田張子佳畫花卉合冊

又跋

家儕嶠編修桑寄生齋勝題

書亡弟聽夫溫陵遺興圖冊

題陳君墓誌

唐陶山重修桃花庵圖題辭

題宋忠烈公崇禎三年鄉試硃卷
先文恪公五同會圖跋

又跋五同會圖

跋先文恪公書謫解後

題城南雅遊圖卷後

題蘭士南池清夏圖卷

題明人石湖草堂圖記

題李石農所裝朋舊手帖

題伊墨卿所藏沈石田楓橋饒別圖卷

題唐人書佛告比丘鬱單越經

袁了凡先生手帖跋

斡山草堂小葉題辭

題奇門秘要

題唐人書律藏

題陽明山人詩卷

又

又

卷二十六

題跋二

跋崇文恪公書東便門石道募疏

題洞庭山周氏藏陸清獻謙守齋記

題秋碧堂蘭亭

重跋李翰林集

自題石湖葬簿

題楞伽山寶積陂兆域圖

跋故湖南巡撫陸公家書

又跋陸公山水畫冊

題曹司城山水畫卷

跋石函硯拓文

跋祝京兆書先恪公墓誌

題石鵑山房詩畫冊

題重修晉于湖敬侯甘卓墓記

題明周恭肅公手帖

題宋本唐文粹

陳舍人守梅圖卷題辭

重跋先文恪公與王祁憲書

題吳越春秋

跋壑舟圖詠

題欽古堂文橐

惕甫未定藁卷一

長洲王芑孫念豐

賦

木犀醬賦

有序

吳語謂桂爲木犀收其華浸柘霜梅實以爲醬壘
封之色香不變可以寄遠昔人未見著錄因爲之
賦云

招搖之英偃蹇之叢一枝獨秀三秋正中紛辭條而欲
零儼承蓋以當風于是張幔小山置筐隙地乍倚帚以
堆黃復緣梯而折翠待膏露之交融養甘芳而成味則

有曲房櫛士別院針神傾玉盤之大小拂羅袖之繽紛
鋪以桃笙之簟羃以苧絲之巾抽簪挾剔布席橫陳遂
斗量其輕重旋筵簸而均勻爾廼汲井華之瀼瀼神瀣
之漿浸越梅之久曝慘閩柘之新霜點鹽華而入盥浴
礬水而泛觴酸能固色澀善留香忽生肥而流膩洵茹
馥而含光名之以醬別謚爲糖由是貯以花瓷薦于銀
盞併衆芳爲一氣紛殊態而異狀尋餘味之曲包護秋
光于無恙恍三醪而成醕經百和而若釀方諧合于人
工宛酌斟於天匠渙如凝蠟沃若浮脂得清腴于涵泳
何臭味之差池秀可餐兮玉蘂穠有寄乎瓊枝旣色香

味之皆備歷春夏冬而咸宜因而病起慵來茗前酒末
裊出紅鹽銷殘黃雪一甌天香半匙秋色存不壞之金
身領風霜之高潔嘉木始之克完况中邊之俱徹誠漱
潤于花瓢訝承杯於月魄被有露馨薇浣飽豔櫻傳笑
穠纖而不韻又遜此之新鮮賦浮生之薄嗜譜食品之
外編繫金粟而可糧逝掃花以送年

蕩湖船賦 有序

吳語凡水皆湖名之遊以船勝船必蕩湖勝船可
五六人坐行不能三十里而絕麗聞天下其行搖
搖然蕩也斯謂之蕩湖焉欲假懽愉之語少陳諷
勸之思竊狀爲賦

今將矚行春之橋席銷夏之灣杓愁并弔胥山挾數客
攜雙鬟與鷗波下上入鴛夢中間浮家以去濟勝而還
則有蕩湖船焉其行趑趄厥致綽約流淺淺以防湍浪
微微而訝惡若將離而復卽乃彌進而屢卻儼蘭蕤與
桂旗或青帘而朱箔如版屋而平移快紗牕之橫拓停

荷港而風疎觸蘆洲而雪作始知是船幾誤名閣半樓
半廡一几一牀漏庖安置闌楯斜裝琉璃貼榻翡翠棲
梁幔繩金蹙簾蒜銀長瓷壺玉琢羅燈珠鑲繡褹鋪墊
黃篋擎箱籃懸夏雪鑪熱晨香兩三簫史二八船孃漆
雕月換棋博年常兼行廚與行館疑醉鄉而睡鄉于是
而入其船焉鳳爪火焙龍團水點閒樽將炙劑醲調齏
枰薦雞蘇椀分鶯雋羹則玉糍金蠶餅則紅簽綠板噉
以粳醅糯餠餐則袖食飢飯羞乎糗餌粉餐侑以篤迎
感摯由是召校書之新輩徵讀曲之同儕斯遊甚冶有
伴惟佳喚至而爭求題扇迎歸而未肯曳鞵花奴押版

葉子分脾觥籌交錯履舄劇挨或賭酒而闔藏銀甲或
爭注而袖胃瓊釵吐華裯其奚惜掄修袂而與揩汎尋
春之尺宅駕訪秋之長亭冬辟寒之秘閣夏追涼之輜
輶頭棚瀉雨額釘羅星橋彎月缺篙健風馴依芙蓉而
啓幄蔭楊柳而開櫺如鴛鴦之待闕與鷗鷺而爲盟戲
蓮東而小泊結蘋末之良因于是宵宴方醒晨遊催去
扶殘醉以連朝看成粧於初曙縱劇賞於山塘僑名花
于江路如洛川留轡淩波而遇也如江妃攜偶踏流而
將渡也于是野寺鐘殘斜陽在樹闌興飛花舊情搏絮
疑往夢于雲烟感霑裾之霜露奚惆悵而獨歸乃扣舷

作招招之賦

吹洞簫賦

樓紅雁外舫白鷗邊二分月地千里雲天惜良時兮望
遠屬參差而告焉殷勤紫玉徒倚銀牀曾懷烟亂手指
風涼瓣絲懸綬刺繡安囊孔緣多而力弱曲彌低而怨
長斜漢橫閣一扉啟房猿鶴夕起關河已霜曼聲遲而
停暫流音歇而曳殘丁年身世子夜闌干鑪頻鳧暖瓦
自鴛寒醒春夢兮昨日滿秋心乎此間倚簫而賦人遠
蓬山

山塘種花人賦

有序

山塘虎阜山塘也吳之山十九依流奚弗塘焉者
然不名獨虎阜名塘七里又近郊之廛也百貨萃
焉而花爲最偶因新話閒考遺聞斐然願歌斯事
春風蹋隄七里香江花江草山之塘乍是新年響刀尺
不製春衣製春色選瓷盎而分釐絆櫻緡以就式羅十
樣于虹橋謹三緘于蟄室爾惟風午烟辰楔初社仲濃
雨生膏斷魂蘇凍移姝別館賣妍一閏割賸蜂糧飼餘
鶴俸塵土前身繁華今夢業無十戶之租坐有千花之
供而且聘殊尤于海嶠勝絕麗於江船瓦缶襲來尙攜

蠻雪箬籠裏至猶帶閩烟其種逾萬厥名數千魚秧鸚
稗蒲劍桐繇雖勿花而勤護以陪花而牽聯結緣蝶外
探信鶯先散花啟大千之界浴花有第三之泉於是編
籬不正之門隔竹屢深之徑刷月半畦鋤霜一壟甃
爲梯欹松作磴侶條薤枯楂潤斟酌滋蔓之圖彌縫交
格之釁或接之而媒于兩族或芟焉而收其雙娠炭以
催而冰以勒覘其宜而藥其疾其人則花農爲號花匠
相呼講花間之丹訣活花底而白鬚掌花天壽調花瘡
腴作養花之保姆真醫花之扁俞對新花而有慨攀老
樹而歌飲別有孕從花下育自花朝清姿楊柳小字櫻

桃券花奴而受雇食花稅而辭徭將勝花而成簿以賣
花而爲謠擇婦則貌將花較遣女則奩以花饒甘掃花
以終世爲譚藝所不祧若乃司花妙伎選竹雛姬嫁爭
杏早妻恨梅遲拾香草而春心亂拖長裙而曉怨滋種
合昏以卜夢託芙蓉而通詞聲譜懊儂調增囉噴歌謔
樹之忘憂祝蓮房之無空餐沆瀣以綢繆抱芳華而珍
重枝分連理之榮花獻同心之寵花神祀罷祝宜男郎
去蘭溪販蘭種

叩頭蟲賦

有序

夫物有興懷固不在大聊同賦蟲或可語蟲與傳
咸異指

伊之蟲何知兮吾茲諄以問之古一拜而再拜兮賢穆
叔而憇子思吁晉楚之亡人兮肇三拜以鳴私鄙蛇行
之蘇嫂兮廼四拜而弗疲加五拜於東宮兮屬前代之
朝儀凡九拜若百拜兮皆記禮之通辭何百拜之紛然
兮牢百喙於斯時吾不測其僞真兮爭筆畫于兒嬉將
手推爲神物兮初不可用其然疑孰宅相與館甥兮繫
之蟲爲厥師之蟲對以臆兮請仰首以披陳昔有宋之

賢裔兮有朱浚之逡巡生萬拜于相秦兮諂魂死而常
伸化百億爲吾儕兮以自獻其殷勤操吾術而神之兮
利攸往于昏姻庸半子之謬譚兮齊父母而等倫夫得
半則失半兮歧二本于茲身摧厥角而未遑兮何坦腹
之敢云蟲色得而氣揚兮翅張張而目瞋蟲汝退而勿
譁兮試蒲伏以聽予汝蠕蠕何知兮聊卑之以語汝汝
非蠶之八輩兮勞屢起而屢俛非纓綬之良蜩兮若免
冠而偃僂彼蝸猶蠻觸爭之兮汝奚獨遜謝而愧沮夫
又非蚍蜉兮乃儼然主簿之上謁非青紫之官墓兮乃
甘心而折節豈尺蠖之求伸兮遂忘情于過屈夫胸臆

則真而曹兮無丈夫之剛骨謂學轉于蟻九兮又時怒
而蝻蹶乏雅拜之從容兮常壁剝於倉猝非打窓則投
地兮曾不可乎搦粹徒蝨處于兩間兮稽首頓首以爲
活初何所請于下風兮乃如是其顛越蝨連連以叩首
兮願自雪其因由吾無所獻吾長兮祇乞靈於斯頭吾
固卑自牧兮無所畏而又何求吾一視而均施兮罔貴
賤與親讎彼蚩蚩者之吾學兮乃變本爲善柔彼苟非
心所怙兮又直立而傲乎朋儔彼猶如蠓蟻與鷦鷯兮
又焉能與吾侔彼師吾乃辱吾兮蝨雖不言謹疾首于
斯流嗟之蝨其可教兮吾無爲厚非而深尤

文瀾閣賦

皇帝御極之四十有七年四庫全書告成旣肇營乎

文淵重營繕於

武英褫褫報完部次以呈包括萬古蒐求八紘作我一
經廼副諸於承德又尊藏乎

上京貳文昌于天邑倬雲漢于名城闢躔乎東壁之府
麗垣於太微之庭徧布肆設鑠日羅星文命誕敷諸役
嗣興崇宮傑構豐碩現闕固已相望崢嶸矣

皇上凝神穆清丕冒無外睠然曰予茲觀乎人文以化
成天下眷維東南實人文最魁儒碩生蔚乎鏘颯歆嚮

之日久矣且夫杭州之野於越之地桓桓大邦江海交
會庶幾地靈鍾焉豈無翹秀豈無鴻肆跂斯美懿資其
講肄且夕希冀天文乎緯曜愚者得與乎觀也地文乎
流峙賤者得假其利也聖文乎文章天下得識其義也
朕方欲磨礪選造箝持滌諛夫何曠此之茂製而慙弗
與昭示乎於是浙江行省拜四庫全書之

賜視江南焉三事九司

詔令是恭宣露

德意下浙西東歡聲雷同快覩龐鴻小大和會話譚總
總以爲豐矣穹矣普矣充矣

天子之恩誼隆矣頓首疏謝遂諏度乎聖因之工廼昌
言曰不壯不麗不足以重當時不飾不美不可以爲後
儀吁大觀之在上必藏弄之勤思庶就高而擇爽誠可
尊而不可卑昔惟神禹藏書會稽亦越韋羗石室篆披
金庭玉匱崩另嵒嶺攀險陟峻僅而得窺此皆闡胥之
謬記無聊之虛詞寂寥乎泰古隔限以崑崙猶然誇詫
盱睢頌揚靈祚以爲兩浙文字之禧也矧夫聖因者固
耆闢之覺地應金方而在西懿乎哉又

天子之行宮在焉曩者

省方五停六飛西湖一勺浸爲天池遐邇臻嚮陰陽胥

宜背郭面流可因爲基且

天子旣睠浙土而幸賚之矣其必親近

嘉德震以滌威左右斗杓依附

聖涯乃可以一當世之耳目鞏億祀之緜規旣卜筮之
僉協遂走趨而偕來于是遠埃竭居光昌工師定墨將
作稽章與天諏日除地開塲周匝四顧切齊中央顯翼
翼營堂堂擘畫界限躊躇向方適其鬱起奮以方攘據
坤靈之寶勢仿太紫之殊鄉搏顓氣而絕出收湖波之
汪汪以丕作乎斯閭誕造天而高翔以文瀾而爲號貽
萬世其允臧伊斯閣之巍巍兮羌輪幽而嘯吻載

大文之曄曄兮嗟璘璫而施蔚抗坻堦之蔭蔭兮羅疏
柱之汨越飛欄企以翬翬兮反宇嚬以鼇馭垂環玼之
瓏玲兮窈呌窳而郅偁齊總總以搏搏其相轆轤兮拂
虹霓而未歇悅矍矍其矍矍般以紛拏兮層枝柱而齟
齟矯伏傑倬開閉帥雪迤靡屯屬縹緲詭譎離婁摧囓
絳蠻碑硃騫霄軼景敢脅捷獵神陪鬼呵懾此嶒嶒捫
摸星宿天漢戶闔故其華絢則輝輝熿熿丹碧躍空欲
抑且揚若崑崙之山瑤臺十二層城九重也其秘奧則
連卷黜黷轉側妨礙若華嚴法界金銀之宮彈指相從
意外不可詰窮也旣櫛比以攢集又鴻洞而嚴敞攀躋

優蹇至者懊喪前後要遮不常厥狀遠而望之若覩蓬
萊而隔茵蓋迫而象之若仰麒麟而戴垂雲遊鷗不能
自逮魑魅窺而下賈栢梧複疊勢合形分何蠖濩其配
藜或蟪蛄其難循此其大較也若其參塗方軌九軌範
街有平其道蕩無歧袤石級鱗次中唐錯牙玉舄承跋
金楹旁阿青瑣銅鋪槐栢周羅雙枚固闔重桴排柯陰
蚪陽馬撥爾綢簪脰膈喙呀妥貼頗斜厥庸孔多繚以
巖牆夾以堊壁編以粹疏嵌以綺榻迎暘召風天光中
砉渲染鞞鞞班間賦白鐐狄蹲轅雕獅守柵文淵之字
斗大縣額縱橫十丈鉤填縹白髹漆殫具赫其奕奕至

於蘭栢重積藻綵枝梧臥梁虹跨衡棟龍麤櫺櫺各落
以次列欒栱天矯而交扶臨楣剏剏傍栢爬梳倒茄被
蕙跳躑躑廂个要紹繡續模糊瓦縫鉤鬥罅罅削除
繁飾累巧不可一二而書夫此猶未見乎閣之勝也且
非閣之所以名也於是而觀其中則幬架森列滔繩還
重囊裘則細素錯設籤軸則犀玉兼攻匣以楠琢纈以
綈蒙繕之萬手校過百通積石不足以爲倉二酉不可
以爲宮金薤玉篆披倡鬱葱鼎彝旁午球圖西東徒覽
其目暝眩倥偬莫知所從漢略魏簿齊錄唐收隋修陳
皮宋纂明宸以若班荀之所掇拾虞阮之所鈔謄同條

其貫經緯有程元素赤青甲乙丙丁簿錄萬萬輕并重
分用多取精排當乎几榻充塞乎奧榮其經則皇墳帝
典十三區部箋疏是非注錄取予毛鄭孔伏二戴徐許
異同水火輩行門戶歸我鴻鑑蒼翠一處其史則廿一
廿七遷固託始新舊儷陳綱目摭掎誅諛起廢以爲美
訾春秋卓義筆削有指矧夫

御批爲之綱紀陪服萬載玉鑑懸只其子則周秦以來
僞真訛舛收拾零碎包括裁剪革其膚淺存厥奧衍寬
甄嚴取豪忽輝闡虞初九百小說繫件非恢說郭職是
精選非資辯囿譬猶惇典其集則代無遺賢人罔遺編

類分時聚有萬其千雜家餘體別傳外篇下者存目闕
則補全勿苛勿濫或合或專如彼編鐘悉鏗於縣凡蓋
棺者去取精權窮士仰屋惟恐大年網絡鉅細無有後
先自有書契衆言適起天慢歎泄不得闌止斷爛爲期
士私非是斯文之歸統繫莫理神祖聖伏維紐解弛比
之匪人纂緝徒侈永樂大典事以韻庀標別失據卽無
譏矣天靳閭秘發不先晷華路藍縷啟我隆軌一大昌
會蓋待乎此道揆法守況在

天子進進退退惟

天子視威威祇祇惟

惕甫未定藁

卷一

賦

高

天子俟繩直衡平于聖冥協不暇諾唯旣概括乎曩民
復標的于今士爰頒置乎江南別

勅藏乎浙水屹高閣之嵯峨驚冊府之濛汜入淵藪以
靡涯兀中流而峙砥喻觀海之綦難庶津逮于勿止嘻
瓊謫乎斯文濶之所以名焉乎其勝顧未已于是觀
其外則西湖鹽鹽方諸掛秋澗涵瀾漫凝若無流淡不
可收橫塘查下眠隄曲兜結駟方舟陸行水浮簫籟擢
謳澀嘉逗遛晨鳧夕雁翡翠鸞鷗鯢鱣鯢鯢鯢汎濫其上
羣羣而遊羣鼠叉鉤露往霜來下上相求羈馱舉穆烟
耕水耨舫厨郵店靴雪爭售沿湖起伏羣山糾繆松杉

破缺側見臺樓桂箭荷筒紛敷甚稠列寺百數駢坐聯
甍在湖之洲鼓鐘鼙鳴登閣而聽曾未呿嚙其西則月
波風篁竹閣栢堂平臺領要玉蘭之房樓曰瞰碧庭稱
驚香迴巧獻媚奔湊陸梁隱隱莫詳巷市衎衎屈折交
相

御碑之亭虎蹲螭驤畫戟桁杵呵警關防其東則攬勝
有齋春秋名閣照膽之臺輝映灼爍鱗鱗萬雉望見城
郭闐闐流溢雜賄踴躍馳道如砥衽攢履錯都人士女
喧譁呶囂紅塵晝囂亭候約略提攜籃榼包裹稗弱燒
香而還濟濟蹻蹻少選其遲城門下鑰其北則滄泉貯

月雲岫綠雲澄觀作新竹涼四照參差相因伶嶸嶙峋
溝口兔缺山腰蠶紋版橋草屋歪欹未勻風午煙晨出
沒紛紜高高下下或邱之寔或湖之垠他若窮極瞰眺
物無遁探就離位而啟牖臨前端而開襟則蘇隄曙霞
花港三潭望春聚景南屏諸山丰融癯瘦繞湖趨趨雷
峯夕照倒涵蔚藍南高北高矗立相驂斷橋歸鶴指數
可尋千彙萬態又畢列乎閭之南俯衆有而突兀兮洵
叶稱乎閭中之所淵含焜其舒以遽遽兮軒以望之耽
耽言乎人文也則如彼言乎地靈也則如此郁郁乎煥
哉上覽古在昔或日不暇給或竭蹶而罔成焉未有勤

勤懇懇欽修盛業作爲壯觀上儀如今日者也文瀾之
役卽費不盈貲抑豈非希世無前丕天之極建也哉於
是鳩始某年落成某年實維某月某甲子朔事畢功闕
不疾而速于是

天子詔舉南巡又將展義于斯矣顙俊髦錫庶福

天光所臨滌蕩收穆然則臻乎閤者戴巍巍履肅肅金
科玉條黽勉伏讀鋪衍

湛恩宵旦澡沐因以恢崇

國家祗庸燦德懿和之風廣彼縉紳講習言諫箴誦之
局豈不休哉豈不卓哉乃爲之賦以攄下情而宣

上之徧德蜚是英聲洋溢滂澤大文濶于無極亂曰彤
彤文濶歸疑湖千頌有光兮帝籙皇圖窅窅寡苞符繇亮
章兮浙江滔滔東海來朝同富藏兮

皇帝有道爲我有造懋何昌兮

聖之作之以瑞我浙會

皇極兮神之營之以瑞我

清配貞寧兮文字之祥以迓

帝釐兮湖之瀾瀾以游

聖涯兮惠我人兮鑠美懿于胥

德兮麗萬世

種竹圖賦

有序

種竹圖者里中馮給事培之所寫像也圖作於乾隆戊申之歲題詠積多諸體略備頃承枉示屬綴一言因爲小賦系諸其後云

黃門先生身居朝請興寄滄浪金鑾下直玉軫高張櫻
鞾布襪斐几籐牀啟窈窕之三徑懷嬋娟于一方非予
美之耿介孰吾共于風霜爰披苔蘚爰植簣簣分一
个兩個羅置十行五行揖茲瀟灑贈我清涼廼爲種竹
圖焉以賡仙人黃竹之唱而引風人綠竹之章懿古隱
士種桃醫家種杏種李房陵種蓮玉井治生則種橘千

頭殖貨則種葱百町種藥開獨樂之園種芝駐長生之
景種柑題霜後之書種秫叅酒中之境種樹之帙籤以
癸辛種魚之經疏兼乙丙咸有託于懷來故流連而尋
省何黃門之曾中獨渭川之千頃點筆記湖州偃竹之
圖開卷畫輞岡斤竹之嶺蓋夫竹生自直竹性本虛浮
筠旁達節概相扶縱山林之盤詰有不拔之根株方初
苞于綠籜已自異乎紫蒲乍貓頭之脫綳旋鳳尾之紛
敷瓊簫斲瘦玉版餐腴鬱龍蛇之遁怒與雷雨而相須
撫雲霄之志意肯埋没于平蕪渺秋心之搖落戰風力
于高孤彼斐然之樹立良有似乎吾徒所宜濯以清流

媵之文石負鴉觜之鋤抉鶴皋之堦疎密叢區堅鬆士
覲擁護風捎彌縫曦隙待長養于子孫積清陰乎朝夕
論心松柏之交寫韻蓬蒿之宅茶話移茵詩脾布席爾
眼雙青吾天一碧夫何影攢瑣碎勢壓檀欒湘煙半朶
疎風一欄奉圭璋之秀挺蘊楂枒于肺肝空露啼與風
笑傍甘蕉而弗彈奈魏公之嫵媚悵日報於平安羌鼓
卑而鳥疑豈直節之誠難苟蕭艾之同潤固不如乎泥
蟠黃門乃憮然有閒迢然而賦曰予豈蔦蘿與薜荔兮
忘坎坎之伐檀折疏麻以思遠兮睠騷人之滋蘭吾不
爲夫婞直兮將有俟乎祥鸞孰吾貢于瑤琨兮矢予音

懷南先生集 卷一
之琅玕恐歲時之易宴兮吾將歸乎江干攀枇杷之晚
翠兮盟此君於歲寒客有和而歌之者曰桂招予兮淮
南荃何爲兮京穀檐淹久兮彷徨誓還種夫苜蓿邀夫
君兮劬笥伴燒豬而食肉